

23 APR 2001

SERI PERDANA DITUTUP KEPADA ORANG RAMAI ESOK

KUALA LUMPUR, 23 April (Bernama) -- Kediaman rasmi Perdana Menteri, Seri Perdana di Putrajaya akan ditutup kepada orang ramai esok.

Menurut Setiausaha Akhbar kepada Datuk Seri Dr Mahathir Mohamad, Datuk Zakaria Wahab, ia ditutup sempena lawatan dua hari Perdana Menteri Thailand Thaksin Shinawatra ke Malaysia.

"Seri Perdana akan dibuka semula kepada orang ramai pada keesokan harinya," katanya kepada Bernama di sini, hari ini.

Selain mengadakan perbincangan dengan Dr Mahathir di Jabatan Perdana Menteri, Thaksin akan diraikan pada jamuan malam di Seri Perdana.

Lawatan dua hari yang bermula esok itu bertujuan meningkatkan lagi hubungan dua hala dan kerjasama ekonomi selain mengenal pasti bidang-bidang yang mungkin untuk memperkukuhkan lagi kerjasama serantau menerusi Asean.

-- BERNAMA
MAM MAM LAT